

HÆMATITES optimus habetur friabilis, saturato colore niger, durus, & suopte ingenio æqualis, nulla sorde admista, nulloque zonarum discursu. Vim habet adstringentem, & excalsactoria aliquantum, extenuantemque. Oculorum cicatrices, & scabritiam cum melle purgat: cum lacte autem muliebri, lippitudini, fractis, & oculis crurore suffusis conuenit. Bibitur contra difficultatem vriæ, & fluxiones mulierum in vino: & ab ijs, qui sanguinē reiecerunt, cum succo punici mali. Fiunt ex eo coticula, & collyria oculorum vitijs apta. Vritur ut Phrygius, sine vino duntaxat. Modus vitionis est, ut modicè leuis fiat, & bullis quibusdam intumescat. Sunt qui hæmatiten ita adulterant. Densam glebam, rotundamq; schisti lapidis, cuiusmodi sunt, quæ eius radices vocantur, in urceum figlini operis, qui seruentem cinerem contineat, condunt: paucaque interiecta mora eximunt, experiunturque si trita ad citem hæmatitæ colorem reddat. quod si ita res se habet, reponunt: si minus, iterum obruant, & subinde conspicientes, periculum faciunt: si quidem in cinere diu dimissus, color mutato diffunditur. Coargitur malè confictus, primùm scissilibus venis: quippe in rectos uenarum discursus refringitur. At hæmatites longè secus se in colore habet: nanque hic floridum reddit, hæmatites verò saturatiorem, atque cinnabarin imitantem. Inuenitur in Sinopica rubrica. Fit & è magnete lapide, vehementer ambusto. In Aegypto sponte naturæ cum metallis enascitur.

Hæmatite la-  
pidis confide  
ratio.

Hæmatite ui-  
res ex Gal.

Hæmatite ui-  
res ex Alexan-  
dro.

Nomina.

HÆMATITES lapis, quo omnes in uniuersum medicæ officinæ abundant, quoq; pictores, & lignarij fabri utuntur, vulgo uocatus Lapis, legitimus non est, de quo meminerunt Dioscorides, & Galenus. Quippe hic fæclitius est, ex uilissimo vulgariter Armenio bolo, alijsq; admistis imposturis. Legimus enim fossiliis est, & sponte naturæ nascens in metallorum cuniculis: quæ fractus, sanguinem colore imitatur, unde & nomen, cum Græcis sanguis vix pœ dicatur. Huic persimilis est, quem Schistum uocant, cuius historiam, & uires statim post hunc scribit Dioscorides ob cognitionis uinculum. Foditur hæmatites non modo in Aegypto, sed in pluribus Germanie, & Bohemia mōtibus, præsertim in Hercynia sylva: quin & in Italia Brixienst agro, sed peregrinis bonitate cedentes. Variat tamen huic lapidi color, quoniam & niger, & flauus, & ferruginis instar, quibusdam insit, ut peritisimus & que ac doctissimus Agricola in suis de fossiliu natura libris diligenter adnotauit. Hæmatite uires memorie prodidit Galenus lib. IX. simplicium medicamentorum, ubi sic inquit. Porro talium quoq; unus est hæmatites, quem nocant, à coloris similitudine id appellationis sortitus: sicut & galactites, quando & ipse in sucum solutus, lacu similis conspicitur. Habet lapis hæmatites tantum frigiditatis, quantum habet adstringentis. Merito itaque ausi sunt medicæ ocularibus facultatibus lapidem miscere hæmatiten. Ac solo eo uti possi palpebris exasperatis: si quidem cum phlegmone asperæ sint redditæ, ex quo ipsum diluens: ac si magis etiam, per sceni græci decoctum. Si uero citra phlegmonem, ex aqua. Incipito uero semper à modicè humidis, per specillum infundens. Vbi autem, quod uires eius ferat, conspexeris, magis ac magis crassum efficies, ac tandem adeo crassum facies, ut specilli nucleo inungas, secundum subiectionem, aut euersionem palpebre. Hic idem lapis similiter in cote contritus, sanguinis expunctioni conuenit, omnibusq; ulceribus. Porro siccus, si ad tantum redactus fuerit leuorem, ut puluillum referat, reprimit excrecentia, atq; eo nullus solo, atque per se uitur. Ego uero ad ea, quæ dixi, usus sum facultate eius ex gusto qualitate comperta, cum mox experientia periclitari uellem, nunquid recte coniecisse. Et ipsa quidem oculorum ulera, solus per se cicatrice includit (ut paulo ante comprehendens est) attritus, cæterum aut affusus, aut inunctus. nam & id experientia exploratum habeo. haec tenus Galenus. Miris item laudibus extulit hæmatiten lapidem Alexander Trallianus, sic inquens. Ego sanè noui frequenter me sine theriaca, alijsq; pretiosis antidotis multos curasse, lenibus usum medicamentis, & præsertim lapide hæmatite. Vsus autem eos sum in his, qui largius sanguinem reieciebant, cum succo punici mali, & grænis, uel cum succo polygonij: in quibus autem sanguis non copioso evacuabatur, etiam ex aqua sola egelida. At leuigare ipsum curiose oportet, ut in tenuissimum puluerem redigatur, sitq; aëreus, & uento persimilis. Dedi ego ex eo scrupula quatuor, & paulo amplius minuscue. Exhibui etiam ijs, qui pus expui incepserant, ac mirum est, quomo do ulcus exiccati sanaueritq; ut non amplius pus generaretur, necq; æger tusti infestaretur. Spectauit autem & alii quendam ex his, quibus uas exesum erat, non modo particularis quasdam ex fauibus, sed etiam asperam arteriam ex puentem, ac mirum quomodo in hoc quoq; lapis hic maximam efficaciam indicauerit. Nam & hic curatus est nobis non admodum etiam spernentibus. Exhibui autem ægro potui medicamentum fr̄equentius, ut commodius distribueretur. Quare cum crebro ipsum bibisset, tandem sumere ipsum fastiduit. Ex cogitauit autem huiusmodi rationem, redactum in tenuissimum puluerem paniculo luce imposui, & diligenter ipsum undiquaq; constrictū, colligatumq; in pœculo, quod uinum odoratum modicum haberet, suspendere permisi, idq; per totam noctem iam inde ab ipso uestere: extraxi autem tenuem, aëreamq; eius partem, ut æger solam uini qualitatem perciperet. Ex hoc bibere quantum mane libenter habebat, ei præcepi, atq; hoc sane agendo, bibendoq; continuè, sanitatem recepit. Hoc autem morbo liberatus, idem præservationis causa facere pergebat, bibebatq; donec etiam corpore probé permutato, consueta agendo uiribus se constare sentiret. Hæc de lapide hæmatite à me uisa, & usu comprobata conscripsi. Haec tenus Alexander lib. VII. cap. primo. Hic lapis Græcæ Λίθος αἵματιτης uocatur: Latinæ, Lapis hæmatites: Arabice, Scedenigi, Sadenegei, seu Alsadenegei: Italice, Pietra hematite: Germanice, Blutstein.

ΛΙΘΟΣ

SCHISTOS lapis in Iberia Hispaniae gignitur. Probatur maximè, qui croci colorem emulatur, friabilis, suapte natura fissilis, concremento, & alterno cohærentium venarum discursu, perstinum modo, Ammoniaco sali similis. Vim exhibet hæmatitæ, sed ad omnia infirmiorem. quin & caua replet muliebri lacte perfusus. ad procidentia, rupta, item genarum crassitiem, & vuas oculorum, magnopere efficax est.

SCHISTVM lapidem, quem tradidit Dioscorides gigni in Iberia, hactenus allatum in Italianam non uidimus. Fodi tamen hunc in pluribus Hercyniae sylue locis in Germania, quin & in Bohemia author est clarissimus Agricola. Ceterum cum de uiribus cum hæmatite certet, hic eius uires nobis supplere poterit. Meminit Schisti lapidis Galenus lib. ix. simplicium medicamentorum, sic de eius uiribus differens. Lapidi hæmatite persimilem uim obtinet, uerum infirmiorem, is qui uocatur schistus, ac post eum galactites. At melittes et alditatis etiam nonnihil, ut dixi, adiunxit. Ut itaque unusquisque ipsorum leuiter, ac sensim ab hæmatite facultate recedit, ita ad oculos similiter in usum ducitur: est tamen mitior. Porro mitiora remedia partibus etiamnum phlegmone afflictis semper gratiora sunt, atque iucundiora: ceterum liberis iam phlegmone partibus infirmiora, quam que personare ualeant. Años σχιστος Nomina ita Græcis, ut Latinis Lapis schistus, & Italis Pietra scissile appellatur.

Schisti lapidis  
consideratio,  
& uires.

IN GAGATARVM lapidum genere, præferendus qui celeriter accenditur, & odorem bituminis reddit. Niger est plerunque, & squalidus, crustosus, perquam leuis. Vis ei molliendi, & discutiendi. deprehendit spongium morbum suffitum: recreatque vuluæ strangulationes: fugat serpentes nidore. podagrī medicaminibus, & acopis additur. In Cilicia nasci solet, quæ influens amnis in mare effunditur, proximè oppidum, quod Plagiopolis dicitur. vocatur autem & locus, & amnis Gagas, in cuius fauibus iij lapides inueniuntur.

LAPIDEM, quem Gagaten uocant, in comitatu Tirolensi Germanie non longè ab Aeniponte (Germani Ispruch dicunt) in quadam torrentis aluco repertum, ostendit mibi primum clarissimus medicus Ioannes Petrus Mrena Brixianus, nullis prorsus notis à Gagate historia dissententem. Nam præterquam quod igni admotus confeſſim accenditur, flammamq; contrahit, ac bitumen redolet, squalidus est, & niger, crustosus, & perquam leuis. Hoc sciat in uniuersum Flandria, Cimbriacq; ubi lignorum penuria incole hoc tantum lapide ignem sibi comparant. Foditum hoc tempore etiam in Italia Brixiano agro, è cuius fodini nuper ingentem glebam misit ad me Tridento Santos Santinus diligens pharmacopla ad Corallij insignium. Fuchsius uir alioqui eruditissimus magno errore putat (ut libro primo retulimus, cum de pissa phalto differeremus) Gagaten in Tirolensi comitatu repertū, esse pissa phalatum. Verum cur ego in hoc ab eo dissentiam, citato nuper loco latius ostendimus. Porro idem in libro de componendis medicamentis, quem nuper auctum edidit, Gagaten censem esse succinum illud nigrum, quod nobis uulgò Ambra negra uocatur. Sed in hoc similiter eum (pace sua dixerim) hallucinari clarius esse opinor, quam ut pluribus demonstratur. Nam ut omittam absurdum mibi planè uideri, quod succinum lapidis nomine dignetur, illud non est squalidum, neq; crustosum; sed in superficie potius lœue, & lucidum satis appetet. Sunt qui existimant fossiles quo sdam carbones, quos in pluribus locis effodi in Germania tradidit Georgius Agricola uir doctissimus, & in fossilibus medicamentis indagandis bodie facile princeps, esse lapidem Gagaten, quod carbones iij non aliter quam è ligno parati igne accendantur. Veruntamen cum bi flammam non edant, nisi follicibus excitentur, nec ullum bitumini odorem spirent, eorum opinio plane refellenda uidetur. Si quidem Gagates adeò bitumine pregnans est, ut accensus picis ferè modo flagret, & nigerrimum emitat fumum. Quin & oleum copiosum reddit, ubi uitreis organis conclusus, ignium uir periret. Hoc commendauit Mesues demoniacis, epilepticis, paralyticis, spasmicis, tetanicis, arthriticis, ab utero suffocatis, & conceptum non admittentibus. Quod tamen à carbonibus ijs elici non potest, cum omni penitus humore desituantur. Gagate historiam, & uires tradidit Galenus lib. ix. de simplicium medicamentorum facultatibus, his uerbis. Est & alijs lapis colore atro, qui ubi igni admotus fuerit, persimilem bitumini odorem exhibet. quem Dioscorides, nonnullijs alij in Lycia inueniri prodiderunt, ad fluuim nomine Gagatem, unde & ipsi lapidi nomenclatura inditam dicunt. Ego tamen eum fluuim non uidi, tametsi parua nauicula totius Lyciae litora legerim, quod uide dicet, que in ea sunt, inspicarem. Crustaceos uero lapides nigros, & qui in ignem additi exilem flamman ederent, complures Cœle Syria asportauit, natos in colle, mari mortuo, quod uocant circundato, quæ orientem spectat, ubi & bitumen est: eratq; lapidum odor similis bitumini. Utebarq; eis ad flatuosos tumores in genu diuturnos, & agrè curabiles, misit uidelicet facultatibus, que ad hoc symptoma probatae fuerant. Plateq; usum est mihi euidentiorem earum facultatem reddidisse. Misui uero ipsum & Barbaro quam uocant, & palam medicamentum effectu est excientius, adeò ut & sinus contraheret, nendum cruenta uulnera glutinaret, ad quæ competere maxime creditur. haec Galenus. Ceterum Plinius lib. xxvi. cap. xix. existimasse deprehenditur, quod quemadmodum in medicamentis sibi uiribus mutuis respondent Thracius lapis, & Gagates; ita uterque in aqua demersus accendatur, & conflagret, restinguatur uero in oleo. Quod tamen falsum est: quandoquidem Dioscorides ubi memorie prodidisset Thracium lapidem ijsdem uiribus esse prædictum, quibus & Gagates; subdidit Thracio illud peculiare adscribi, quod

Gagatæ lapi-  
dis confide-  
ratio.

Fuchsij error.

Gagatæ histo-  
ria, & uires ex  
Galenō.

Plinij lapsus.

aqua demersus accendatur, & oleo restinguatur. quod tamen in Gagate non accidit. Vix Gagatæ admirandam esse Aëtius testis est lib. 11. cap. xxiiii. quippe si igne inflammetur, meroq; restinguatur, exhibeaturq; id uinum cardiacis potandum, confestim leuantur, represso sudore, excitatoq; arteriarum pulsū. Nonnulli Gagaten ad pollians tenuitatem terunt, septemq; continuis diebus colicis ē iuno propinan drachma unius pondere, & integrant restituunt ualeitudinem: poculum interim, quo laborantes bibunt, eiusdem uapore suffientes. Sed quoniam Gagates ab quandam nominis similitudinem, lapidem ACHATEN ita ueteribus appellatum, mihi in mentem rededit, cum is laudetur ad uaria corporis incommoda, meritò hic aliquid de eo nobis dicendum esse duximus. Repertus primum Achates est in Sicilia, iuxta Achaten fluum, à quo nomen sibi uendicauit. Lapis hic uarijs constat coloribus, & se inuicem incurvantibus zonis, lineisq; adeò ut quandoque uarias effingant imaginum formas, naturæ tantum penicillo. Id quod maxime testatur Plinius lib. xxxvi. capite primo, ubi sic habet. Post hunc annulum regia fama est gemme Pyrrhi illius, qui aduersus Romanos bellum gesit. Nanque habuisse traditur Achaten, in qua nouem Muse, & Apollo citharam tenens spectarentur, non arte, sed sponte naturæ, ita discurrentibus maculis, ut Muses quoq; singulis sua redderentur insignia. Hinc igitur creditum est antiquos uocasse Achaten uarijs, ac diversis nominibus. Vocatur enim phassachates, cerachates, dendrachates, leucachates, hæmachates, corallachates, & id genitus alijs: quod quidam columbos, quidam cornua, alijs arbores, alijs sanguinem, nonnulli corallium coloribus preseferant. Prodest Achates (ut Plinius est author) contra scorpionum ictus. Quod in Siculis utique crediderim, quoniam primum eius prouincie afflato scorponum pestis extinguitur. Et in India inuenti contra eadem pollent, & alijs magnis miraculis. Spectasse etiam prodest oculis. Sitim quoque sedant in os additi. Leonina pelli similes, potentiam ceteris ualidiores habere contra scorpiones dicuntur. In Persis uero sufficiunt, earum tempestates auerti, & præterea flumina sisti. Argumentum esse, si in feruentes cortinas additi, refrigerent. Sed ut prosint, leoninis tubis alligatos. Abominantur hyænae pelli similes, quod dominibus discordiales sint. Sed qui unico tantum colore notatur, inuenitos athletas reddit. haec tenus Plinius. Lapis, qui Græcis Αἴδης γαγάτης, Latinis lapis Gagates uocatur: Italis, pietra Gagata.

Achates lapi-  
dis historia, &  
uires.

Nomina.

Albospanias. LAPIS THRACIVS.

CAP. C IIII.

LAPIS Thracias dictus, nascitur in flumine quodam Scythiae, cui Ponto nomen est. Vis ei gagatae. Traditur aqua accendi, & oleo restinguiri: quod in bitumine accidit.

Thracii lapi-  
dis mentio ex  
Galen.

QVI THRACIVM Lapidem ostenderet in Italia, haec tenus profecto neminem inueni: nec qui illum alijs in regionibus se uidisse, aut inuenisse testetur, compertum habeo. Eius mentionem fecit Galenus una cum gagate lib. ix. de simpl. medic. facultatibus, ubi ita scribit. Est & alius lapis, cuius meminit Nicander hunc in modum.

Si lapis uratur cendant Thracius igne, &  
Post madefiat aqua, flagrabit totus: at idem  
Mox oleo affuso, penitus restinguitur. adfert  
Thracius hunc ad nos pastor de flumine, nomen  
Cui Pontus.

Nomina. Verum nullus eius in medicina usus: necq; Nicander præter graueolentiam, quæ sufficiunt feras fugat, quicquam ei adscripsit. haec Galenus. Ceterum nos Thracij lapidis historiam potius fabulosam, quam ueram censemus. Eius nomen Græcum Αἴδης γαγάτης: Latinum, lapis Thracius: Italicum, pietra Thracia.

Albospanias. LAPIS MAGNES.

CAP. CV.

MAGNES lapis optimus est, qui ferrum facile trahit, colore ad cœruleum vergente, densus, nec admodum grauis. Datur cum aqua multa trium obolorum pondere, ut crastos humores eliciat. Sunt qui magnetem crematum pro hæmatite uendant.

Magnetis la-  
pidis historia.

MAGNES lapis Heraclius, & Sideritis quoque dicitur. Magnes quidem ab inuentore (ut Nicander est author) nomine Magno, qui primus in Ida monte lapidem hunc adiuuenit: aut à Magnesia regione, ut Lucretius suis in poëmatibus scribit. Heraclius uero, uel ab Heraclia urbe, uel ab Hercule: ut enim Hercules immanes domuit bellicos, uiribusq; subegit; ita Magnes ferrum uictricem rerum materiam ad se trahens, subigit, & tenet. Quas ob uires sideritis quoque dicitur. quippe ferrum Græcis σίδηνος appellatur. Nos autem vulgariter idiomate appellamus pietra Calamita. Foditur in Cantabria Hispanie, & in uarijs Germania, ac Bohemia locis, et si sepe casu inueniatur in ferris fodinis. Præstat, qui ex Macedonia, & Magnesia illi contermina conuechitur: sed omnium præstantissimus est Indicus, & Aethiopicus. Differunt Magnetes colore, qui in ijs aut niger est, aut cœruleus nigricans, aut in nigro rufus, aut contraria. Optimus est mas, qui non modo celerrime trahit ferrum; sed etiam vim suam in id adeo transfundit, ut posit alterum inherens ferrum ad se trahere. quo sit, ut sepius acus acum trahat, adeò ut altera alteri subpendeat, nullis appositis adminiculis, ad duodenum usq; numerū. Quod item ferreis fit anulus, qui alter alteri inherentes catene instar dependent. tametsi postremus non tam pertinaciter inhereat, ut primus, & secundus. Ratio autem cur Magneti tantum facultas in isti trahendi ferrum, nulli sanè, quod sciam, adhuc comperta est, nec ullam philosophorum inuestigatio unquam assequi potuit. Proinde necessarium fuerit dicere, illi uim hanc peculiarem tribuisse

tribuisse eolum, & rerum omnium parentem naturam, ut Rhabarbaro uim detrahendi bilem, & Torpedini marinae stupidam reddendi manum, que ipsam uiuentem tetigerit. Nec sanè aliud quicquam inueniri putauerim, quod uiribus Magnetem magis emuletur, quam Torpedo pisces. Quandoquidem ut Magnetis admiranda facultas ex una pendente acu in aliam transit acum, & ex anulo in anulum; idem similiter efficit Torpedinis uirtus. Quippe hamo capta, obstupefaciens eius facultas adeo confestim per setas uirginis excurrevit, ut statim pectoris manum miro sanè stupore corripiat. Idemque efficit retibus comprehensa, uia per funem aurea instar excurrente. Ceterum Dinocrates Alexanderinus (Plinius author est lib. xxxiiii. cap. xiiii.) Arsinoës de Magnete lapide templum concamerare inchoauerat, ut in eo simulacrum eius è ferro pendere in aëre uideretur. Cuius forsitan rationem secuti Arabes, Turcarumque sacerdotes (si tamen uera referunt, qui talia scribunt) Mahumeti sacellum è præstantissimo Magnete concamerari iuferunt, ut imposta in eo Mahumeti arca è purissimo ferro conflata, tanquam diuina quodam miraculo in aëre penderet, ita deceptis populis. Trahit itaque Magnes propria uia ferrum, excepto eo, quod rubiginem contraxerit, uel ubi lapis is allio fuerit confricatus, aut ubi adamas propè adseratur. Magneti uim sanè contrarian habet Theamedes lapes in Aethiopie montibus nascens, non procul à monte magnetis: quippe quod appositum sibi ferrum confe-  
stim abigat resuuntque. Quo fit, ut qui calceis ferreis per magnetis montem pergunt, pedes submouere nequeant: per aliud uero ambulantes, nunquam pedibus constellant, & ueluti tripudiantes fiant. Magnetis breuiter meminit Galenius lib. x. simpl. med. sic inquiens. Ex lapidibus unus est & magnites, & heraclea, quam uocant, ad similem hæma ex Galeno. titi uim obtinens. Lapis, qui Græcis Λίθος μαγνήτης, & ἡράκλειος, Latinis lapis Magnes, Magnetes, & Heraclitus appellatur: Arabibus, Hager almagritos, seu Magnathis: Italics, pietra Magnete, & Calamita.

20 Διός αραβικὸς. LAPIS ARABICVS.

CAP. CVI.

ARABICVS lapis maculoso ebori similis, Is tritus illitus hæmorrhoidas exiccat. Eius cinis dentifricio optimus.

N U L L U M hæc tenus uidi, nec reperi lapidem, qui eburneam mihi ostenderit faciem. quapropter non credimus Arabicum lapidem hoc tempore conuehi in Italianam. Eius tamen nomen Græcum est Λίθος αραβικὸς, Latinum lapis Arabicus: Italicum, pietra Arabica.

Διός γαλακτῖτης. LAPIS GALACTITES.

CAP. CVII.

GALACTITES appellatur, quod lacteum succum resudet: cinerei tamen est coloris, & gustu dulcis. Ad oculorum fluxiones, & vlcera conuenienter illinitur. Oportet autem in aqua tritum, pyxide plumbea recondere, propter vim glutini, quod ei obhæret.

Διός μελιτῖτης. LAPIS MELITITES.

CAP. CVIII.

MELITITES omnia galactitæ similis, hoc tantum interest, quod dulciorum succum remittit. Eiusdem ut galactites effectus.

40 GALACTITEN, item Melititen qui mihi ostenderet, hæc tenus non reperi. Alter tamen (ut Galenus inquit lib. x. simplicium medicamentorum) Galactites uocatur, quod in succum solutus lactis speciem reddat. quemadmodum alter melitites, quod succi dulcedine mel gustu representet. Galactite meminit Plinius lib. xxxvii. cap. x. sic inquiens. Galactites ex uno colore lactis est. Eandem dicunt leucam, & leucographiam appellant, & synephiten: tritam lactis suco, & sapore notabilem. In educatione nutribibus lactis fecunditatem: infantium quoque alligata collo, saliuam facere dicitur: in ore autem liquefcere. Eandem memoriam adimere dicunt. Mittit eam & Achelous amnis. hec Plinius. Ceterum, ut testatur Agricola, non solum reperitur Galactites in quibusdam Saxoniae montibus, in Germania; sed etiam in quorundam fluminum alveis, pariterque Melitites. Lapis ille Græce Λίθος γαλακτῖτης, Latinè lapis Galactites, Italice pietra Galactite uocatur. Hic uero Græcis Λίθος μελιτῖτης, Latinis lapis melitites, Italies pietra Melitite nominatur.

Διός μοροχθος. LAPIS MOROCHTHVS

CAP. CIX.

MOROCHTHVS lapis, quem aliqui galaxiam, aut leucographida uocauerunt, in Aegypto nascitur. quo, utpote molli, & facilè liquefcente, linteones dealbandis uestibus utuntur. Spiracula corporis obstruere uidetur: conueniens ijs, qui sanguinem expuunt, cæliacis, & vesicæ doloribus, cum aqua potus. itidem fluxionibus vulvæ, & impositus uelleri. Molibus oculorum collyrijs miscetur: explet enim caua, atque delacrymationes fistit. Idem cerato exceptus, ulcera, quæ fiunt in teneris partibus corporis, ad cicatricem perducit.

MOROCHTHVM lapidem nonnullis galaxiam uocatum nasci, sodiq; in Saxonia Germaniae testis est Georgius Agricola maximus fossilium indagator. Veruntamen cum nec inde, nec ex Aegypto, quod sciām, in Italianam de-

N n 3 fratur,

Morochthi la  
pidis uires ex  
Galeo.

fratur, cur plura de eo dicam, non habeo. Morochthi meminit Galenus unum cum scissili lapide lib. ix. de simpli-  
cium medicamentorum facultatibus, sic inquiens. Sunt et alii lapides in succum solubiles, ut qui in Aegypto nascitur,  
quo utuntur ad splendorem linteis conciliandum. Est autem omnium dictorum minime qualitatis particeps, nec adstri-  
ctionem, nec morsum, nec abstersionem praeserferet. quocirca hoc ipsum duntaxat lapidi huic inest, quod desicit  
uidelicet: proinde cerato eum miscentes ad cicatricem ulceribus inducendam in mollibus corporibus usurpat. Sed  
et ocularibus miscentur facultatibus, perinde ut modo dicti. At quantum est maiore emolliendi ui, quam predicti, quod  
nullam uidelicet effectricem qualitatem habeat; tanto etiam moderatior est, magisq; dolorem leuat. Hunc lapidem  
quidam moroxum, nonnulli leucographida nuncupant. hactenus Galenus. Sed certe nescio qua ratione, aut autho-  
ritate ductus sibi persuasit Plinius lib. xxviii. cap. x. hunc non esse lapidem, sed herbam, ubi unum cum leuca de  
leucographide differuit. nisi fortasse fuerit uocabulorum similitudine deceptus. Lapis Grecis Λίθος μορόχθος,  
Latinis Lapis morochthus appellatur: Italies, pietra Morochtho.

Nomina.

Λίθος ἀλαβαστρίτης. LAPIS ALABASTRITES.

CAP. CX.

ALABASTRITES vocatus onyx, crematus, resina aut pice exceptus, duritas discutit. sto-  
machi dolores cum cerato leuat: gingiuas comprimit.

Alabastrite  
consider.

ALABASTRITES notissimus lapis est ihs, qui Romana inuiserunt edificia. Hallucinantur tamen, qui  
credunt lapidem illum Alabastriten esse, quo hac tempestate torno uaria singuntur uasa, quibusdam subnigricantibus  
uenis discurrentibus, pellucido leuore, materie uero adeo imbecilli, ut parum collisa facile frangantur. Quando-  
quidem lapis hic Alabastrite species non est, sed potius gypsi materia. Alabastrites enim, quem antiqui ad uasa un-  
guentaria eauabant, quo diutius ungueta a rancore vindicaret, nascitur (ut Plinius inquit lib. xxvi. cap. viii.)  
circa Thebas Aegyptias, & Damascum Syrie. Hic ceteris candidior. Probatus uero in Carmania, mox in In-  
dia, iampridem & Syria, Asiaq;. Viliissimus autem, & sine ullo nitore in Cappadocia. Probantur quam maxime  
mellei coloris in uertice maculosis. hactenus Galenus. Huius facultates memorie prodidit Galenus lib. ix. simplicium me-  
dicamentorum, sic inquietus. Et alabastrites uocatus unguis in medicina uisu ingreditur combustus. Quidam cum bie-  
bendum dant stomachicis. Is Grecē Λίθος ἀλαβαστρίτης, Latinē Lapis alabastrites dicitur: Italie Alabastro.

Alabastrite vi-  
res ex Gal.

Nomina.

Λίθος θύιτης. LAPIS THYITES.

CAP. CXI.

LAPIS nomine thyites, in Aethiopia dignitur, subuiridi colore iaspidem imitatus: cum di-  
luitur tamen, lacteum succum reddit. Vehementer mordet: tenebras, que pupillis obuersan-  
t, expurgat.

Fuch. opinio  
reprobata.

THYLETEN lapidem neq; ipse hactenus inueni, neq; ab alio compertum scio. Qui fortasse ex Aethiopia tan-  
tim petendus est, ubi cum igni prodidit Dioscorides. Veruntamen Fuchsius medicus singularis doctrine, libro il-  
lo de compositione medicamentorum, quem collucupletatum secundò edidit, lapidem Dioscoridi Thyeten dictum, ni-  
hil aliud esse censem, quam lapidem illum coeruleum, qui Italis uulgò Turchina, alijs uero Turcicus lapis appellatur,  
ut eius uerba, que subiectam, aperte declarant. Iaspis, inquit, Galeno duplex est. Una subuiridis, que Dioscoridi  
Thyites, ut alibi diffuse monstrauimus, dicitur. Thyites autem non est nisi ea Iaspidis species, que quod aeri & celo  
matutino autumnali similis sit, hoc est, coerulea, lacteis suffusa, αἰρετὸν ζωναν Grecis, Iunioribus Turcica, Germanis  
Turkes nominatur. Quam certe appellationem uerisimile est ex Thyitis depravata uoce promanasse, originemq;  
suam duxisse. Altera uiridis, que sic dicta est, quia uiret. Eius duodecim sunt genera, que alibi a nobis sunt ordine  
explicata. Quintum autem genus est Turcica uocata Iaspis, de qua iam diximus. Hactenus de Thyite lapide Fuchsij  
sententia. Que sane mihi nonnullis rationibus refellenda uidetur. Primum namq; non inuenio, quod Galeno Iaspis in  
duo genera digeratur, in uiridem scilicet, & subuiridem, ut illi Fuchsius adscribit. Sed ipsum uiridis tantum memini-  
se constat lib. ix. simplicium medicamentorum, ubi de eius facultatibus differuit. Nec obstat, quod Galenus eodem  
libro in commemoratione Thyitis lapidis ex Dioscoride, hunc coloris esse scribat subuiridis quodammodo, ut iaspis.  
siquidem Galenus eo in loco Dioscoridis uerba refert, ut ex capituli illius titulo quisq; certior fieri potest: id enim ita  
inscriptum legitur, Νερπ' τῷ Διοσκορίδῃ θυῖτον, hoc est, De Dioscoridis Thyite. Fratera equidem nescio, quo  
parte lapis ille Turcicus posuit esse Thyites: quoniam hic tum Dioscoridi, tum Galeno coloris est subuiridis, non au-  
tem saturati coerulei, ut ille. Ad hanc si lapis, qui αἰρετὸν ζωναν Grecis uocatur, & qui uerè Turcicus est, Iaspidis generi-  
bus assignatur (quod ipse quoq; Fuchsius assert) non video, quo modo fieri posuit, ut idem sit Dioscoridi Thyites: qui  
a nemine, quod sciam, inter iaspidum genera recensetur. Postremo mihi quidem non uidetur uerisimile, quod Turci-  
cus lapis a Thyitis depravata uoce nomen acceperit. quam enim, que so, illae uoces habent inter se similitudinem &  
certe nullam. Quare potius adducor, ut credam eam appellationem fluxisse ab Italica nostra lingua. nam quemad-  
modum in Italia coeruleus color, quem propriè celi colorem esse uolunt, uulgò turchino uocatur; ita etiam inibi la-  
pis is, de quo sermo est, a colore, quem coeruleum habet, Turchina nominatur. Ex qua nomenclatura postea facile  
factum esse arbitror, ut eundem lapidem iuniores Turcicum appellauerint: atq; adeo simili imitatione fortasse duci  
Germani ipsum Turkes dixerunt. Lapis, qui Grecis Λίθος θυῖτης, Latinis item Lapis thyites appellatur.

Nomina.

Λίθος